



UNIVERSITÄTS-
BIBLIOTHEK
PADERBORN

**Cl. Viri Valerii Andreae Desselii In Academia Lovaniensi
Professoris Regii Erotemata Juris Canonici**

Andreas, Valerius

Coloniae, 1697

XI. De Cognatione spirituali.

[urn:nbn:de:hbz:466:1-62934](https://nbn-resolving.org/urn:nbn:de:hbz:466:1-62934)

De Cognatione spirituali.

TIT. XI.

Nihil æquè impedit matrimonium contrahendum, aut dirimit contractum, atque cognatio; eaque licet poterit, ut neque cum cognatis spiritualibus neque cum cognatis legalibus contrahere liceat.

Quid est Cognatio & quotuplex?

Cognatio (generaliter accepta voce) est vinculum quoddam eorum, quæ unum quasi nascendi initium communitate habent: idque vel naturaliter ex iure sanguinis, ut consanguinei; vel ex iure dispositione, ut qui per adoptionem spirituali cognatione conjuncti sunt. Atque hinc cognatio in trifariam dividi potest in Naturalem seu sanguinis, Spiritualem, & Civilem sive Legalem.

Quid est Cognatio spiritualis?

Est vinculum ac conjunctio nascens inter aliquos ratione Sacramentorum quæ spiritualia sunt, & quidem specialiter ex Baptismi & Confirmationis celebratione. Nam per hæc duo Sacramenta

homo & renascitur spiritualiter, & perfectior redditur Christianus. Ex datione vero aliorum Sacramentorum cognatio spiritualis nequaquam oritur, quæ matrimonium impediatur vel dissolvatur.

c. n. l. h. t.

2. in 6.

Inter quos contrahitur hæc cognatio?

Jure Decretalium contrahitur inter baptizatum & illum, qui eum suscepit de Baptismo (quem *Compatrem* vulgè appellant) atque inter eundem baptizatum & suscipientis filios & uxorem; imò etiam inter suscipientem, patremque baptizati & matrem. Quæ verò de suscipiente dicuntur, eadem transferuntur & ad baptizantem: iisdemque modis ex Confirmatione cognatio spiritualis oritur.

c. 1. h. t. in 6.

Cur dicitur, jure Decretalium?

Quia jure novissimo per Concil. Trid. hæc cognatio spiritualis admodum est restricta, nimirum ut inter susceptores (quos vel unum tantum, sive virum sive mulierem, vel ad summum unum & unam esse voluit) ac baptizatum ipsum, & illius patrem & matrem, nec non inter baptizantem & baptizatum.

O 5 1.

tum.

tum, baptizatique patrem & matrem, tantum spiritualis cognatio contrahitur. Similiter ut cognatio, quæ ex Confirmatione contrahitur, confirmantem & confirmatum, confirmatique patrem & matrem ac tenentem non egrediatur omnibus inter alias personas huius spiritualis cognationis impedimentis omnino sublatis.

Concil.
Trid. sess.
24. c. 2.
de re-
form.
matrim.

Quotuplex est Cognatio spiritualis?

Duplex, Paternitas & Compaternitas. Paternitas contrahitur inter baptizantem & baptizatum, inter suscipientem seu patrinum patrinamve & susceptum. Compaternitas oritur inter suscipientem ex baptismo & parentem baptizati. Quod ipsum & de cognatione orta ex Confirmatione est dicendum.

Quis est effectus huius Cognationis?

Quod non tantum impediatur matrimonium contrahendum, sed etiam dirimat contrahendum, utique inter eas personas, inter quas cognationem spiritualem contrahi diximus: idque ob peculiarem reverentiam, quam alter alteri debet. Verum nata hic ex Conc. Trid. compaternitatem, quæ ante oriebatur inter uxorem patris & parentes baptizati.

zati, itemque fraternitatem esse sublatam, adeoque baptizatum cum filia patris rectè contrahere matrimonium,

*Concil.
Trid. d.
loco.*

De Cognatione legali.

TIT. XII.

Qua dicitur Cognatio legalis?

Est proximitas quædam quæ per adoptionem vel adrogationem alicujus contrahitur. Ideò dicta Legalis, quia adoptio juris est, non naturalis aut gentium, sed civilis, legisq; civilis inventum.

Cognatio hæc legalis inter quos impeditur contrahi nuptias?

Primò, inter ascendentes & descendentes, adoptatis scilicet & adoptati, in infinitum: quia nec adoptionis dissolutione, nec emancipatione tollitur cognatio legalis. Secundò, inter eos, qui à latere per adoptionem conjuncti sunt, scilicet adoptatum & filios naturales adoptantis; neque enim sororem adoptivam potest quis uxorem ducere. Idque durante adoptione, quia eâ sublatâ per emancipationem cognatio hæc tollitur. *c. un h. 3.*